

## BAKURUBASANNI


(nîmôr 12 songô)

Mali kono = Dorème 300

Afîriki kono = Dorème 600

Jamana wôrê = Dorème 1000

Fewuruyekalo san 2003



Kunnafoniseben bota kalo o kalo. BP: 24 Telefoni : 221-21-04. Bozola Bamako-Mali. San 31nan boko 374nan A songô : dorème 15

## Minisiriw ka Laadalatonsigi

Minisiriw ka laadalatonsigi min kera Arabadon, mariskalo tile 20, san 2003, o y'a ka yamaruya di musakaporoz fila kan :

Folo ye sefawari miliyari 13 ye, Afîriki yiriwali waribonba (FAD) y'o juru don Mali la. A be ke ka kefenw ni minenw san, koorisene ni sumansene yiriwali kama. Nafolo in dôbe bila, sumansan kama, do be don baganmara dafé; ka baganw san k'u labolo ka tila k'u feere, misi ni sagaw.

Filanen ye sefawari miliyari 6 ye. O juru donna Mali la (OPEP) f. O ye taaji bôbagaw n'a feerebagaw ka tñ ye. O nafolo in bëna ke ka Kemasina falakonena laben malosene kama. Baara minnu bolodara olu file :

Folo : Ji walankatali n'a ladoncogo numan forokenew kono, forow dugukolo dakejeni ani sirabadilanw bogo la, (i n'a fo digi misenninw) jibolisiraw kerefè.

Filanen : hadamadenya siratige la, Kolonw senni, jegemarayoro dôw dilanni, togodala sira fila dilanni, a kelen-kelen bëc ye kilomètre 5 ye; lakoiso fila joli ani dogotoroso ni mangasa fila joli, ka fara kuran donni kan Kemasina kono, ani jibolidingew labenni kinw kono.

Sabanan : Ka juruw don senekelaw la, k'u kalan jirituru feerew la. Ka kungo lakanabagaw fana kalan ka fara u kan.

Badama Dukure

Libi jamanañemogo Mohamari Kadafi ka teriya taama Mali kono



Libi jamanañemogo Mohamari Kadafi ka teriya taama min kera tile saba kono, san 2003 mariskalo tile 17, 18, 19, o kera sababu ye ka Mali ni Libi ce kow sankorota. A kera sababu ye, ka miirina kuraw ta jamana fila ce yiriwali siratige la. Jamanañemogo fila Kadafi ani ATT wasalen ye k'an ben da jogon ye. Libi jamanañemogo taagatola la y'a jira ko taama in ye Mali ni Libi ce kones sabati. A ye layidu ta ko Libi bëna musaka caman don Mali soroda saba dafé : Sene; baganmara ani dugujukorofenw.

Salimu Togolo ni Badama Dukure

### KONOKO

Maiden 30 000 ye Kadai kurien Esiraci Modibo Keïta

Jieni : Gumbu-Nara Siraba baaraw damine ja

Dogonlare dôké awoloko kura

Faramtakalilaw kâlensig

Kalemkone n'ndaaññanu Nampabliko

Amerikkuññakalik

Perespeññava gullumaniññu kâlensig. Môlani Segumara

ne 3

ne 4

ne 5


ne 9

ne 9

ne 11

ne 12

## Mohamari Kadafi ye jønni ye ?



Kadafi ye Mali teri ye. Jønni nøkun don. Farafinna jønni. Kørøtabaga don. Malidenw y o jira la, a ka tile saba taama kono an fe yan. Jama børa k'a kùnben cogoya min na, taamaw fana y'a børebøre. Cogoya kelen na, ka fara silamew ka tønwka bisimili ali kan.

Ari fe Mali la yan, forabajama be Kadafi don ni min ye, ò ye kële ni farinya ye. A ka ca la, balawumogow be welel Kadafi, ce b'o la, muso b'o la. Nka o koro te ko mogow t'a fe. Politikimogow b'a don tigitigi, Kadafi ye min ke Mali ye. Kabini Musatile la, ka na se Alifa ka fanga ma, fo bi Amadu Tumani tile la; Libi ye nafolo min don Maliko da fe, Ala ni faamaw døron de b'o don. Forabajama be min kalama o ye : Tilewison, Libi y'o di Mali ma falaki.

Silamew ka soba, Libi y'o jo Mali ye falaki. Sabanan ye Maliden minnu be taa Libi warinini na. Maliden caman taara Libi. Døw ye fen soro, døw ma fen soro.

Døw sara sira la, u somogow m'u su ye. Døw donna kasol la, døw tununa mogø m'u taayøro don. Nka o n'a ta bee, libitaala caman kera fen ye. U sera ka mago ne u yere ye, k'a ne u somogow ye, k'a ne jamana ye. Hali bi bi in na, Maliden caman sigilen be Libi, døw kelen don, døw n'u ka denbaya don, olu be min fo. Libi kan, o ka ca : U b'a fo ko nafolo be Libi, nka Libikaw te farafinw fe. U b'a fo ko Kadafi ka farin, nka a be tje fo, wa a ye baara ke a ka jamana kono, a te mogø si fisaya n'a ka jamanadenw ye.

Mohamari Kadafi bangera san 1942 Sirili, o ni Tiripoli ce ye kilometre 200 ye. Burudame minnu be wele Beduyini, a buruju børa olu de la. Cencenkanmøgø lakika don. A y'a ka kalanw ke Libi, Angilejamana kan ani Misirajamana kan; A ka kalan fanba kera Sorodasiyakalan ye. A faamuyalen

don kosebe silameediine na.

San 1969, Kadafi ni jalatigi 12 jøra ka Mansaya dafiri Libi, ka fanga ta. O don, Kapitenijala tun b'a bolo. O kofe, a kera Koloneli ye. O kera Libi Erewoliso (hetayelema) daminenen ye.

Ntenendon, Marisikalo tile 17, o kera Kadafi kùnbenni ye Bamako. Taratadon, jamalakumaba kera Modibo Keyita togola farikolonenajekeñe kan, wulada fe. Mogø ba 30 ni k'o tun b'o k'ene kan. Jamanjemogø, Amadu Tumani. Ture fo ye kuma ta, ka dunanba in bisimila, ka jama fo. O kofe, a y'a jira ko Mali ni Libi be hakilina kelen kan Farafinna joliko, a ka kelenya n'a ka yiriwa sinsiñni na. Kadafi ma kuma kura fo. A seginna kørølen de kan. Kuwame Nkuruma ye min fo ka teme, Naseri ye min fo ka teme, Jomo Kenyatta, Modibo Keyita, Seku Ture, Nelson Mandela ni Tomasi Sankara ye kuma minnu fo ka teme, a seginna o kuma kelen ninnu de kan : « ko Farafinna ka ben, ka ke kelen ye, ka dancew wuli ka bo yen». Faso te denkenin

na, yøro min mana diya i la, i b'i sigi yen. Nin kuma ninnu diyara jama ye fo k'a damateme.

Nka mogow be siga kono, bawo Farafinna kelenya be fo don o don faamaw fe, a deselen don ka ke. Ale Kadafi yere be jate dunangenmasaw fe, fasojama bolo.

A jirala k'a fo, ko Libi bøna lasigidenso kura jo, o birigiden fofo dara, Taratadon kelen in na, Kadafi fe. Goferenaman ka kin, o fana bøna jo Mali ye falaki libikaw fe. Minisirinemme ka cakeda, ka fara minisiriso 20 nøgon kan, o bøe bøna jo, goferenaman ka kin in kono.

O musakaw ka kan ka ben miliyari 26 ma. Søne, baganmara, jago kalan ni kenyako, Kadafi ye layidu ta Mali ye, nin bøe la.

Jamanjemogø Amadu Tumani Ture ye nøgonme falen ceji saba ke ka jama nøkun jansa.

Bonya, ben ni waleñumandøn kono, Malidenw ye k'an ben da Libi peresidan ye; an balimake Mahamari Kadafi, jama nøkun.

Mahamadu Konta

## Maliden 30.000 ye Kadafi kuben Esitadi Modibo Keyita la

Mogo 30.000 hake bora funteni koro ka ta Libi jamana nemogo Mohamari Eli Kadafi ka nognunkunbenkené kan Esitadi Modibo Keyita la san 2003 kalo 3nan tile 18 don.

Nége kanje 17 temenen ni sanga 37 ye Mohamari Kadafi ni Peresidan Amadu Tumani Ture donna Esitadi kono k'u jolen to mobili limuzini koto. U kubenna ni tegerecni Kadafi jaw ye. U y'u bolow wuli sanfela la ka Esitadi munumunu, ka soro ka taa u sigi u bisimilayor la.

Peresidan Amadu Tumani Ture folo ye kuma ta, k'a jira ko Libi jamanajemogó kokadi mogowyé, sabu malidenw ni Kadafi ka hakilina ye kelen ye farafinna ka kelenyako n'a gasisigili la. Denmisén caman dalem dona, la ko Libi jeyoró ka bon farafinna dorogoli la nognon na.

O kadara kono, farafinna tonba ye farafinna bës ka kunnawolo ye. Nka jamanajemogó Kadafi fana ka se n'a ka kunnawolo don, ale min y'a seko bës ke farafinna tonba sigili la. Amadu Tumani Ture ye Kadafi fo k'a walejumandónk'a sabuké Tiripoli bë ka maliden caman bisimila.

Mohamari Kadafi ye kuma ta k'a jira ko wajibi y'o ye sabu farafinna tonba dabora farafinna dorogoli kama nognon na. O te se ka sabati abada fo dance minnu sigirà marabagajuguw fe, o dancew ka wuli.

A fari fonninen y'a jira ko fo farafinna mogow katumma ka soro taamasében tubolo. K'e de kama farafinna tonba sigirà. K'an ka kan k'an nesin farajogonkanni ma. Farafinna man kan k'a kuntilemma bila. A ye binkannijugu lagosi kosebe. Yan, anw fana te binkannijugu fe; an te mogofagalaw carinni fe jamanaw kono; nka sariya ka kan ka labato, walasa ka jamanaw ka netaa sabati. Nka, an bë don min na i ko bi, ko dije jamanajemogó dòw t'u ka jamanadenw ka welekan lamen. Kadafi kan bë Ameriki ma min b'a fe ka Iraki k'e.

Libi jamanajemogó y'a jira ko farafinna ka kan ka nin ko laje, ka taasi, ka ben sabati u ni nognon ce, walasa marabagajuguw kana n'u ka diyagoya fanga boli u kan.

Bakari Kulubali  
Badama Dukure



KIBARU BOKO 374NAN FEWURUYEKALO 2003

## Sukarodilan yoro kura sigira senkan

Sené, baganmara animooniko Minisiri Seyidu Tarawe le ni Ameriki ka lasigiden min bë Mali la, Wiki Hidélesitoni y'u bolono bila benkanseben na. Benkanseben in bë sukarodilan izini do sigi senkan anj hawusakala suguya numanba minnu nijamana ka lahalaya ni Ofisi di Nizeri dugukolo bë nognon ta, o senen, a b'o fana kof.

Jamana ka sukarodunta hafe ye toni 130.000 ye; kemesarada la 2,5 bë fara o kan san o san. Jamana bë sukarodonta t'oni 30.000 kan san o san. O bë dilan Sukala Izini fila fe : Dugabugu ni Siribala. Sukaroko poroze kura in bëna sefawari miliyari 142 bo. A bëna ke sababuye ka nafa caman lasejamana ma.

Poroze kura in bë Ongmyiba badinge ni Masina badinge furance la. A ni Marakala ce ye kilometre 17 ye. Abe hawusakala min bë, obë setoni miliyón 1,5 ma; poroze in nognon te farafinna tilebinyanfan fe.

Hawusakala boli kuntaalaw ye kalo 12 ye, san kono. Falentaw ta ye kalo 5 ye. Siforo do ka kan ka laben; o ye tari 30 ye. N'a damine na boli bë ke ni bolo ye, a laban na, boli bë ke ni mansinw ye. Hawusakala bë ta ni «tarakiteriw» ni «eremorikiw» ye.

Solomani Dunbiya  
Badama Dukure

## Hiji ye faratikoba ye

Hiji ma deli ka ni nognon duman hake soro; a bë se miliyon 2 ma. Jamako nana ni kasara ye hiji wale laban na n'o ye sitane bonni ye. Hijiden 14 sara tuma min na sitane bonni bë senna. Nin waati de ka gelen hiji la kosebe. San 2001 mogo 35 sara; san 1998 mogo 118 sara. Mogo sara hiji min na kosebe, o ye san 1990 ta ye: mogo 1426 sara Mina Kuluwo kono; fin desera u la.

Badama Dukure

## Jijeni - Gunbu - Nara siraba baaraw daminena



Peresidan Amadu Tumani Ture ye Jijeni-Gunbu-Nara siraba baaraw damineni kuronbokari Alamiadon san 2003 marisikalo tile 6.

Minisiri camn tun b'a nōf, ka fara tajijago jamanaw ka kulu ka ciden kan n'o ye "OPEPU" ye, ani mara filanan nōmōgo ani Kulukorō bulonba nōmōgo.

Jamaba bora Kati ni Nara dafeduguw la k'u ka nisondiya jira siraba in dilali la. Peresidan ye bonyamasegin ke yoro ninnu bēe la. Nin tora sen na fo ka se kolokani; peresidan n'a kajama ye kilometere fila ke u sen na fo ka taa u se u bisimilayoro la.

Ka sirabaw bō Mali duguw ni nōgōn ce, o ye baara ye peresidan ye min kofo goferenaman ye. Min ye Maliye, ni sirawta a ni jamanana caman ce, sōro te sabati sirabaw bōli ko. Jijeni - Gunbu-Nara siraba bēdilanohukumu kōo, a bē Saheli yiriwali kofo.

Nin siraba in, n'a janya ye kilometere 176 ye, a bē teme yoro minnu fe a b'olu ka yiriwali teliya, ka Mali ni Moritani bilali nōgonna nōgōya. A musakaw bē se sefawari miliyari 6 ma; kēmesarada la 87 talen don "OPEPU" waribon fe, Mali b'a jōn'a to ye.

A baaraw bē ke ciyakeda kulu fe, n'o ye "ZEME" ni OTERI" ni "ETIKI" ye; o

musakaw bē ben sefawari miliyari 5 ma; takisiw ni t'o la. Baaraw bē kōosi Alimanjika "Zelisenni-Kōnsili" birow fe ani Moritani "Alifa - Kōnseli fe; o musakaw bē ben sefawari miliyon 417,2 ma; takisiw ni t'o la. baaraw

kuntaala ye kalo 25 ye.

Minenkov ni taransipōrikow minisiri Usumani Isufi Mayiga ye "OPEPU" fo; ko Mali bē se k'a jigida "OPEPU" kan Mali ni jamanaw kalali nōgōn na siratige la.

Baaraw bē minnu bolo, a y'a nini olu fe u ka kuntaalako bō a sira fe. Jijeni-Gunbu-Nara siraba ni nin waati sirabako bē tali ke nōgōn na. A sira bonya ye metere 10 ye, gundōrō fiye ye metere 7 ye. Walasa ka siraba in lakōbsi, jiriw be turu a kere fila fe. Kōlōnw bē sen a dafemogōw ye.

Peresidan Ture ye daba nēfōlo ke. Nin siraba ye siraba werew nēbila ye i'n'a fo Jene-Manga-Sayi, Nara-Πoro, Bananaba-Πoro, minnu baaraw bē damine marisikalo tile 13,14 ani 20 nataw la.

Solomani Dunbiya  
Dadama Dukure

## Nara bē jōre ni jiko ni kēneyako ye

Amadu Tumani Ture taara a nē da Nara kēneyaso kan ani ji labenyōrō kan. Ji te serikili kēneyaso la; baarakela fana te yen. Warikogelēya kera sababu ye taji te se ka san ka ke gurupu la walasa ka kuraw sōro. Baarakelaw bē lajeli ke ni torosi de ye. Ninnu ye gelēyaw ye minnu bē kēneyaso bali a ka baaraw la.

Nara ji labenyōrō tun dabora Nara kama ani dugu 14 werew kilometere 6 kōo. O kōson gurupu 3 sanna walasa ka kuran di jibondo ma; jibondo tun ka kan ka ji lase yoro kofelen bēe la. Bi, sefawari miliyon 17 juru kelen don ka ji labenyōrō nagasi; olu la miliyon 12 juru bē faso ka ciyakedaw la. Ji labenyōrō b'a fe ka dese Nara yere kōo. Gurupu 3 la kelen dōron de bē baara ke.

Jamana nōmōgo y'u hinēmine; a k'a bēna u dēme jiko ani kēneyako la. A

ye sefawari miliyon 5 layidu ta; a k'a bē gurupu kura di ji labenyōrō ma, ni gurupu tijenew ma se ka dilan. Nōmōgōw ka nōgōnye senfe min kera yōrōw lajeli kan, haminako werew fōra; i'n'a fo siramisenko ani nōdunkōnoko, ani telefoniko.

O kojew bē minisiri minnu bolo, olu ye nēfōli ke ka mogōw hakili sigi. Narakaw ye barikada ke balo tōni 3446 sōroli la teliya la; o kera sababu ye k'u kisi kōngō ma. Min ye Nara ni Moritani dancēw ye, basigi sabatilen don yen; sōrodasiw bē k'o yōrō kōosi kōsebe ka bō siganamogōw tōrō ma. Jamana nōmōgo kelen ka sōrodasiw dagayōrōw laje, a y'a sōro gelēyaw bē sōrodasiw kāni i'n'a fo soko, peloton ka yōrōntanya ani magasantanya maramafēn w bē bila minnu kōo ani bolifēnko.

Solomani Dunbiya  
Badama Dukure

## Dili Diinedugu

Jamanakuntigi Amadu Tumani Ture taara Nara. Siraba min bëna teme Jijenin, Gunbu ni Nara fë, a taara i sen jo o damineñi nena jëw këns kan, baaraw ka jujon a nena. A y'i to o senfë, ka taa Dili, Ba Umu ni Modibo, kanujalow ka dugu. Dili ye diinedugu ye. A ni Nara cë ye kilometere 57 ye. Dugu moggò hake te teme 3000 kan. A sigira bamananw fë, nka fula suraka ni marakaw fana bë yen. Peresidan selen Dili, a taara dugu moggobaw fo, ka juma seli jama fë, ka yorobaw laje.

Bëe b'a dòn ka fò, Dili te yoro gansan ye. Yoroba don, diine sira kan ani kadirya sira kan. San o san, kalo kelen jalen bë ke Mawuludu baaraw la. Ba Umu ni Modibo kaburuw bë yen, moggò bë taa u dafalen u la, Ala b'a jaabi. Mamadu Abudulayi Sayidu, o tun ye walijuba ye, o su dalen bë Dina, moggò bë taa o fana yajuura, Ala b'u ka dugawuw jaabi. Bi bi in na, hali a ma mëe fòlo, Sidi Modibo Kanu Jalo fatura, o fana su dalen bë Dili. An bë don min na i ko bi, Seki Amadu Modibo Kanu bë diine kunna Dili kono. Fula, maraka ni bamanan tugulen b'a kò.

Barika bë Dili moriw la. Jamana kono ani a kòkan, bëe da bennna o ma. Dili Umu ni Dili Modibo, o ko te tulonkeko ye. N'i y'a ke ka ne here b'i nöfe, n'i y'a ke k'a tige, bëne y'i ta ye. A tun b'o cogo la, kunun fo bi. Dili moriw ni fanga bennen don. U bë fanga deme ka kiiri caman nénabò sigida la, senekelaw ni baganmaralaw cë.

Ala ka barika ni neema bë Dili kan.  
Solomani Dunbya  
Mahamadu Konta

## Nögontaje do këra woteko kunna

Alamisadon, Marisikalo tile 6 san 2003, nögontaje do kuncera Modibo Keyita togola hakilijiginsoba la.

Tile saba këra a baaraw la. O tile sabakono, lajekelawye woteko ebënwa n'a baara bëe fesefesse. Wote minnu këra jamana kono ka teme ani minnu bëna ke, u da sera o bëe ma. Fangasigibolo taasira kan, lajekelaw y'a jira, kosariyasunba ka laje kokura, ka yelema don a la, woteko sira kan. Moggò bë wote togokuluw ye wote minna depitesigi senfë, ko ka yelema don o la. U y'a jira tuguni ko sariyasunba labatolibulon. Labencogo n'a ka sariyaw bolicogo, k'o fana ka laje filelan na, ka dà a fanga bonyakojugu kan.

Wotew labencogo sira kan, u y'a jini wotekow nemogoyasoba do ka sigi mara minisiriso kërefe, baara feerew bolodali n'u nénabòlì kama. O këfe do ka fara SENI ka baaraw kan. Ni wote bë ke SENI bë baaraw këcogo kòlosi, a te dan o mà, k'a ta wote baaraw damine na, fo ka taa a bëe kunce don minna, SENI sen ka kan ka ye o bëe la, a ka ke seere ni baarakela ye woteko kono.

Wote nèbilabaaraw n'a këfebaaraw, olu fana kuma cayara. Lajekelaw ye fela caman dajira o hukumu kono. Togosébenniba min këra, n'a bë wele RACE bubabukan na (Rasi), nafolo caman donna o dafe; togòw donna ɔridinateri kono;; o baara min këra DGE fë, a jirala k'a fò, k'o nena. Nka finge misennin minnu b'a la, lajekelaw y'a jini o ka latilen, ka barika don fasondenya sëbenw dilancogo la.

Wotekelaw togò sëbenni, kuma fila fòra o fana kan. Sëben kono minnu bë yen ka to k'o lakuraya wote o wote, walima k'a fò, minnu b'a fë ka wote jamana kono, olu ka wuli ka na u togò sëben u yere ye. O kòro ye ni min b'a fë ka wote, o bë na, ni min t'a fë ka wote, o b'a to yen. O këfe, ni togòw sëbenni banna, jekulu do ka sigi min bëna fesefeseliw ke k'a jira ko baara nena walima a ma ns. Uy'a jini fana, ko ni joyorochininaw hake sera 10 ma

ka ban, feerew ka tige, k'a ke wotekokelen ye. U ni nögontaje, laje kuncera ni lanini werew ye, i n'a fò ka jamanadenw kunnafoniw woteko kan, u k'a kecogow n'a kékur n'a nafaw faamu.

Nka n'a fòra an ka tige fò, an bë don minna ikobi, wotekecogowyelemani te taa sariyasunba yelemai kò. Sariyasunba te se ka yelema ni depitew ma són, ni sariyasunba labatolibulon ma són. Hali n'olu bëe sónna, fo jamanadenw ka són.

An ka here bë min na, Ala ka o latige.  
Solomani Dunbya  
Mahamadu Konta

## Sanbaga soro Mali ni Senegali cë negesira la

A bë san 10 bo, Mali ni Senegali cë negesira feereliko baaraw bë senna. Senegali goferenaman ni Mali ta ye nögontaje caman ke a ko kunna. U ni nansaraw ka jekulu caman sigira ka kuma negesira in feereliko la. Alaban na, a tora CANAC-GETMa ta la. Oye Kanada ni Faransi ka jekulu do ye. Miliyari 15 ni miliyon 668, o bëna di Mali ni Senegal ma. Miliyari 4,988 ye feereli dakun fòlo ye, a to miliyari 10,988 ye minenw songo ye : tèrenw, mansinw arayew n'a tow.


Sosiyete kura in ka baara ka kan ka damine san 2003 zuwenkalo tile 1. San 5 kono, miliyari 40 bëna don minen kuraw la, ka cakeda in ke kura ye. Tèrenkunkolow, wagònw, ani-fen kura caman bë san ka kòrolenw nonabila, ka baarasen kura ta.

Negesira feereli bëna ni baarakela moggò 1500 bilali ye Mali ni Senegali kono. Mali kono yan, miliyari 6,7 bë ke baarabila sara ye. Bëe b'i niyoro soro sanii baarabila ka ke. An ka nininkaliw sera negesira baarakela minnu ma Mali kono yan, olu ye u ka nisondiya jira ni sosiyete kura nali ye, bawo u tun sigilen bë n'a ye. Hakililajigin na, kanadakaw delila ka tèrenkunkolo 8 di Mali ma, olu de bë sira kansisan. O kanadaka kelen ninnu de fana ye Mali deme, ka negesira yiriwacogo feerew sëbenba laben.

Alayi Lamu  
Mahamadu Konta

## Nininkali

Ne b'a fe ka nininkali do ke m a l i goferenaman ma. Nininkali in te baasi ye. Ninan geleyaba min be Mali k o n o ; kerenerennnya la koorisnelaw.



Kéfa Kumare

Geleya mana don du kono dutigi be mun ke? N'a donna dugukonodugutigi be mun ke? N'a donna komini kono meri be mun ke?

Dutigiwulila ka se «Aw» sekereteriwa, ko tijennenew tun be ninan koorila, ko ka nejini a la. Sekereteriwa ulila ka se «siyefuzayeriwa» ma, ka geleya nefo; dugutigiw ulila ka se meriwa ka geleyaw nefo. Meriwa ni «Siyefuzayeriwa» benna a kan, ko ka foro tijennenew «eresansiman» ke. Sekereteriwy'ok. «Siyefuzayeriwa ni meriwbenna a kanko «eresansiman» sebenew ka mine ka ci jamana nemogow ma. Ee! nk'u ma kuma file geleya furaketa ye. Nin n'a njogonnew de be ka Mali seneketabarada camantijne. Ni senekelaw soro, faamaw be yele; ni senekelaw bolila faamaw ta don fen min kera. Deme dun be ka ke Mali ye ko ka faantanya kele. N'an ma laje senekelaw ta be ke «kanpani» ke tuma ye. N'i mago be fanga la i be senekelaw negen. Ni wote banna a k'antoyoromin na, oye senekelaw ka deme bannen ye.

Kéfa Kumare  
Kin -Buguda (Falo) Bila

## Ka bo Konsofo

Ne be ne mogow Iadonniya ko Surakake do be bo Moritani ka na sanni na. A be Aseteriwa ka nobee san ka taa n'a ye Moritani. Ni a nana ka no bore kelen to 1000 na, a b'a ke 2000 ye, sango a b'a ka no soro joona. Ni faamaw ma do fo o la, o be ka Namina noko be tijne. A be na wari di sufé ka taa. Sisan nobore ye 2.500 ye.

Amari Fomba  
Animateri Konsofo Namina Kulukoro

## Arajo te neninikeyoro ye

Zanwuyekalo tile 19, ka ben karidon ma, ko do kera Mali Arajosoba la Bamako. Seki Umaru Jawara be to ka jemukan min lasearajola negejurusira fe. Mogolankolon do ye Seki Jalo dogoya kosebe negejurusira fe. A ye nenini min fo Seki Jalo ma, a ka jugu fo ka damateme. Nka, ne konife, a ma Seki Jalo kelen dogoya, bawo ntolatannaw degelikaramogo, o be jamanaden be ka baara la. Ka mogofa nenini negejurusira fe, arajo la, be tulo b'a la, o ye kojuguba de ye, min man kanka bila ten, fo a ne ka nini, ka ko lase a tigi ma, walasa mogo were kana nin njogon ke.

Mamutu Koyita  
ka bo komine, balikukalankaramogo  
Farakumansa Komini fe, Segu

## Telefoniko

Ne be nininkali do ke Mali nemogow la. A jirala ko min ye telefoniko ye, do bena bo a musakaw la Mali kono an'a kakan, anw beledugukaw sen b'o la wa? Sabu kabini telefonni sera anw fe yansan 2000 la, anw ka telefonni cisara sanga kelen kono, o tun ye doreme 30 ye. Nka nemogow tun ye yelemaniko min fo k'i tun be min sara sanga kelen kono ko doonin ben'a b'o la, o tun y'anw nisondiya. Nka anw senekelaw sen to la folo de!

Soyibajan Jara  
Kodumandala Nonko Kolokani

## Baganko

Anw ka geleya bee ye baganko de ye. Baganw bena tilema ke anw fe yan; dow be teme ka taa an kofe. Olu segin waati be ke san kalo 6nan ye n'o ye zuwenkalo ye. O dun b'a soro koori ni now falenna. U b'olu bee tijne ka teme wa u natuma be ke san kalo 11nan ye. E k'o mafile. Kalo duuru kono, senekela te tila ka ben n'o ye. Ni baganko malaje an fe yan a be geleya don do la de.

Seku Jakite Nafaji Kura Kasaro Kita

## An k'an hakili to an yere la

Senekelaw, an k'an janto an yere la. Kalace waati sera. An kana son samiyé ka se ka soro an ma tila tilema baaraw la. N'o kera samiyé baaraw be geleya an bolo. Ne konoganna k'a sabu ke koori nogo n'a mafen tow si ma kofe senekelaw fe folo. Sen dun ka kan ka damine ka soro an ka ninifew b'an bolo. Bi-bi in na, nin ye cikelaw jorenako ye. Anw batakicilaw kera cikelaw ka latalita nininaw ye ka haminakow fo. Ee! Nbadenw an t'an kofile kungokonomogow la walasa jamana ka taa ne. Anw n'an sigiyoro kama sen doreon be se k'an ka jamana taa ne. O tuma Ala ka jinuman na.

Lasina Sangare  
Memisala Danbela Sikaso

## An ka jamana sannifeereko

A fora ko faamaw ye sira labila julabaw ye, balo be don cogo min na a ka don fo jamanaden ka fa. Min ye ne konoafili, ni balo donna mangasanw kono, n'u y'a laseginni damine a dunbagaw ma, u be kilo feere songo kelen na, min bora kakan ani min bora jamana kono. N'u ye suguya kelen ye, a bee songo ye kelen ye.

Nka sogo ka fasa, muru da ka go. Cikela dow fana be yen, n'u ye soro ke, n'u b'a fe ka do feere, sani k'a kofe sigiogonw ye u be nininkali ke balo be san dugubaw kono songo min na; u b'a feere o la. Walima u b'a doni ka taa a feere jamana fan were fe, ka soro sigiogonw mago b'a la. An dun ko k'an ye silamenw ye.

Seriba Dunbiya  
Animateri Nafaji kura Kasaro Kita

## Sanji ma laboli ke

Ne b'an ka dugu samiyeko kunnafoniw di aw ma. Anw fe Jankara yan, ninan sanji ma salon ta bo cogo si la. Nka n'i ye samiyé soro laje i b'a ye ninan soro be salon ta ne ni yoro jan ye. O misali file : salon mogo caman ma no soro; nka ninan no sorobaga cayara ni nosorobali ye. Tiye yere la ninan soro be salon ta ne ni yoro jan ye. Koɔriko kunnafoni fana na ninan koɔri cayara ni salon ta ye kosebe. O tuma ne be sanbee-sanbee foli ke kibaru kanubaga bee ye.

Cemogo Jara  
Jankara Baniko Joyila.

## Filadenw ye ta don koɔri la

Sibiridon n'o benna zanwiyekalo tile 18 ma san 2003, selifana waati, filadenw ye tasuma don koɔri tonnen na foro kono anw fe yan.

Koɔri bolen k'a ban, k'a dalaje foro kono tuma min; forotigi be taakasegin na, k'a ce ka taa n'a ye so kono; o furance, filaw ye ta don a ka koɔri la. A filaw minna; a ko geleyara kosebe, nka kel'e ma ke. An benna ka soro an mase fanga la Ala nisababu numanw. Nin wale ninnu be geleya don forotigiw ni misitigiw ce. Ala ka hakili numan di an ma.

Sine Kulubali Kuluba Mɔɔmɔɔ  
Zayeri la Sebekoro Sekiteri fe.

## Mobilibililaw ka surfenko

Ne ka kuma be nesin semudete mobilibililaw ma, minnu be koɔri doni ka taa iziniw na. U be ko do ke min mankan. Ni dugu min ka koɔri tara k'a to to siye kelen ye, u b'a fo ko n'u ma nɔbɔrɔ 3 walima 4 di, u ka koɔri to te ta. Aw be ko bee ke, aw te ne soro a la fo no kofolen ka di.

Ne hakili la, o man kan sabu, semudete b'a ka mobilibililaw sara. N'a fora ko senekelaw fana ka surfen di mobilibililaw ma, o te konuman ye hali doonin.

Pate Boli Danbanna Kofeba Kita

## Ka bo Fugala

Arabadon, n'o benna farafinkalo tile 15 ma, Marisikalo tile 11, san 2003, kabakoba do kera anw ka dugu la, n'o ye Fugala ye, min be Namina fe. Arabadon nege kanje 6 waati la, wulada fe, sanko kera nka san ma na de. Sankaba balala ka peren belebeleba ke ten. Mogó bee siranna. O kera sababu ye, kaba jiginna duba do kono. Mogó naani joginna, mogó kelen sara. O tun ye muso ye. Ala ka yafa a ma.

Kakudo Tarawele ka bo  
Fugala, Namina Kulukoro

## Musotɔnw nafa ka ca

An be yoro min na bi, n'i kofen ofen ka ne, i be jekulu sigi a kama. O de kosoñ ton caman bangera an fe yan ka nesin musow ma. Musow joyorɔ ka bon, o te bi ko ye, o de kama jamana in furadama ma ninet musow ko.

NToroso ye Yeremara kafoye, min ni San ce ye kilometere 7 ye tilebin fe. NToroso Komini dugu 17 mogow be taa mogó 10.000 na. A bee ye bamananye. NTorosokawsigilendon senne, monni, ani baganmara kan. Degun kelen de be NToroso Komini dugu 17 be kan o ye jakungo ye. Dogotige banbali kera sababu ye, k'u ka kungow lankolonya.

Musow ta kera segendan be lajelen ye. Dogow, yiridenw ani nabuluw n'u nɔgɔnnaw, musow te nin si soro n'u ma taama ka taa kungo jan na. N'Toroso, Samakele Tonfoso, Sebanso, Bogoro, ninnu ye duguw ye minnu musojekuluw kera «G.R.N» «ye walasa ka jakungo kel'e : «GRN» ye jekulu ye min sigilen don kungo nafaboli n'a topotoli kama. Demejekulu «AID» be San mara la, a be san 10 bo. A ka baaraw nesinnen don musow ni demisenw demenni ma.

N'i ye mogow sigi kem'e o kem'e, muso ye mogó 60 ye NToroso Komini

na. A dogolen te mogó si la, ko gaw fanbow be musow kan togodaw la. O de kama sigida nafa boli n'a topotoli te se ka ke musow ko.

A ma meen folo musow da tun te don kuma dow la, wa u tun te se ka sariya ta, sariya yere tun te ta u nena k'a sababu ke musow sen tun te cew ka kuma foyi la an ka togodaw la. Wa hali an be don min na i ko bi, musow be u den kerefe la yoro daw la. N'ka NToroso komini kono, bi, musow sen be komini baara bee la. Dugutigiw kankorosigiw, ni donsow minnu ye an ka ladakorow marabagaw ye, AIDko kera sewa ye olu bolo, jango musow sendonni kungo nafaboli n'a topotoli baaraw la.

«AID» nemogow y'a faamuya ko poroze ka netaa be bo komini bee lajelen sendonni na baaraw la. NToroso, Sebanso, Samakele, Tanfoso, Samakelen, Bogoro, musojekulu minnu kera «GRN» «ye, olu ye baaraw boloda, walasa ka feere soro u haminankow la.

O «GRN» musow ka nagobaaraw kera sababuye ka nɔgɔya caman don tobili musakaw la ani ka u ka dumuniw dalakeje kosebe. Yiri minnu turula, o joyorɔ yera kungo kurakurayali la. Wasoyoyiriko nɔgɔyara kosebe. «GRN» musow hakilina ye ka nangili sigi senkan ka nesin kungo tiyebagaw ma.

«AID» ye nesinw ni kɔlonbaw ni ponpe caman dilan dugu la, dugu minnu ni «GRN» sigira musow fe. Demejekulu «OMAES» ye San «AID» demejogonba ye.

«OMAES» ka demejogonya kera sababuye ni «AID» sera ka «GRN» sigi komini saba kono San mara la : Niamana, NToroso ani Kawa. Musow sendonni sariyaw tali la o ye OMAES taabolo folo ye.

Burama Damonzon Jara ani  
Musokura Konate Senekelaw ka  
Arajoso (ORTM) Bamako

## Musow togoladonba

Marisikalo tile 8 ye musow togoladonba ye dijé kono. Ninan ta kumasenku tun ye: « Musow joyoró dunkafa sabatili la ».

Farafinna jamana minnu bë sahilikungo jukoro, woroduguyanfan fe, a jirala k'a fo, ko forobaara sira kan, 75% ye musow ye, sumatige la, 60% ye musow ye, sumanw donini n'umarali la 80% ye musow ye. Ob'a jira ko musow joyoró ka bon balokola, k'a ta sene na, fo ka taa sumanw se mogow kono. Ala k'an kisi, ni kongo nana, musolakaw ka degun ka bon ni bëe ta ye, bawo denmisénw ne bë ou de la.

Nka a klosira k'a fo, ko kabini yereta kera, Farafinna dugu caman bë yen, olu te se u yere koro baloko la, k'a sababu ke sanjidese ye. Ni sene sirila sanji dörön na, n'o ma na, a bë ke gelyea danye. Ka sorojamana döw bë yen, i'n'a fo arabujamana döw, sanjite na yen nka suman yerekelen don fan bëe. A dun bë fo ko bore lankolon te jo, kongotjamana, baara te se ka ke yen, kalan te se ka ke ka ne, bana ka ca, denmiséninw kofagalen don, bëe b'i sigi k'i tege fila da i sen kan.

Ode koson farafinna yiriwali ka gelén. Yiriwa sigilen bë dunkafa kan, n'e balo sirilen bë mogow were la, i bë ke

bolokonomogo ye, i bë ke mogofemogo ye. Kongoto, n'i m'i bila jötigi fe, i b'i bila a fémogo fe. Ninan, balodese bë Mali kono, an mago bë suman toni 400.000 na. O ye goferenamansira ye, n'o te mogodama min b'a ka dugu bila, ka taa fennini na, k'a ka kôle balo, o de ka ca.

Nenaje caman kera musow fe, Mali fantan ni naani kono. Udaminéra Mali lajesoba la (Palédi kongéré), sibiridon marikalo tile 8. Jamanakuntigi muso tun bë kene kan, Lobo Tarawele, kafo (CAFO), musow tun bë kene kan ani Bamako musoton caman. Anw koni ye min kôlisi, dijé musow ka nin donbaw lahalaya la, o ye ko damado ye :

Musow joyoró ka bon baloko la, o fo ra bëe benna o kan, nka musow bë se ka min ke, ka farafinna bo balokojuguya ni balodese la, da ma se o ma. Musow kelen te se o la. Dugumajiw karabali, seneke law kalanni, seneke cogo kuraw matarafali, o dörönw de bë se k'an bo bolo la. Sene te kunfinbaara ye bilen.

Sene te faantanbaara ye bilen. K'a fo k'i den kalanna, a kera tubabu ye, a te se ka sene ke bilen; otéména. An k'o faamu.

Mahamadu Konta.

## Lakoliden ka ton nemogoba sara, a san 23 ye ninan ye

Mogo caman ninena Abuduli karimu Kamara ko, n'a tun bë wele KABARALI. Walasa mogow hakili bë tokamalen in na, fanga ye lakoliso do jo Segu (lise), k'o togoda a la. Lafiyabugu ntabakoro, Kabarali bogolama, dilannen jolen bë yen, juguw ni ninw k'a ye. O bolen ko yen, san o san, a teriw, a jenogonw, fanga, a somogow ani Lakoliden bë ne ka taasibila ke ka taa a ma; o bë ke Marisikalo tile 17 don. Musatile la, fanga yetogotijé caman lase Kabaralli ma. U y'a ke fasodenjugu ye, k'a b'a fe ka fanga dafiri, k'a b'a fe ka lakoliden tatije. U y'a fo ko Kominisi don, k'a b'a fe ka na ni Modibo Keyita ka sosiyalisimu sira ye jamana kono, k'a b'a fe, Mali ka ke i n'a fo siniwajamana cogo, ka silameya dabil, beeblajelen ka ke faantan ye, ka faantanfaga sigi jamana kunna. Nin bëe tun ye nkalon ye, jugunkalon. Tijeninkelennajo, nkalonkulu bë se a

la. O de y'a to, Kabarali minena k'a nimatoorofok'a faga, se ma wuli ka bo a fan kan. Kabarali ka kelle tun ye Lakoliko kelle dörön de ye, fasojugutun te, kominisi tun te. Kalanden cesirilen tun don. A san 25, a tun bë Enisipu (ENSUP) kalanso 4nan na. Lakoli tun bë ka laafu cogoya min na, a ko o te ben. Lakolikaramogow, fanga ye tatijedunun fo, olu kun, a ko o fana man ni; a ka kelle bë file nin ye. Kabarali ye jama kunko ke a kunko ye, ka faso kunko ke a kunko ye, o dörön de kera a jalakiyo ye juguw bolo, n'o te, a ma kojugusike. Kabarali janfara, ka soro jamanaden caman m'a ka kelle faamu, n'o ye lakoliko kelle ye. Halibi o kelle kelen bë senna. Nka lakoliden kelen te se ka nin kelle in ke. Lakolidensomogow, fanga, demebagaw kalanko sira kan, ka fara lakolikaramogow ni lakoliden kan, nin y'an bëe kunko ye.

Mahamadu Konta

## Farafinna jabo nogonlajeba

Ninan ta tun ye a siye 18nan ye.

Nenajow kuncera Sibiridon

Marisikalo tile 1, san 2003.

Farafinna sinimadilanna caman nana n'u ka baaraw ye, ja 400 nogon. Dow bëna n'u ta ye, nogondan kama; dow bëna n'u ta ye, feereli kama. Nogondan sira kan, Moritanika, Abudarahamani Sisako ka sinima dilannen ye joyoró fofo soro, a togo «Héremakono».

Filimu in togo ye bamanankan ye. O man kan ka bali mogo la, bawo, Moritanika in wolola Mali kono yan, ka mo yan, ka lakoli ke yan.

«Héremakono» ye joyoró fofo soro, ka da a kan, hakilijagabo don Farafina sininaman kan. A kono ka dun, a bë mogo bila miiri ni taasi la. «Kabala», o ye Asani Kuyate ka sinima dilannen ye, o ye jalatigebagaw ka ladiyalifen kerénkerennen soro.

Asani Kuyate ye Maliden ye, a ka filimu bë Farafina bilama kofo, an te kono ye an te wara ye.

«Sanuje», o fana ye Mali filimu ye, nka o bë bo tele dörön de la; o dilanna Bubakari Sidibe fe, arajomali baarakela don.

«Sanuje» ye nsiirin yelemanen ye ka ke filimu ye. Masake denmuso taato a cela la, a dandabagaw binna a kan, namakala fila, k'a ka nafolo bëe ta. O filimu in fana ye jalatigebagaw ka ladiyalifen kerénkerennen soro.

Bubakari Sidibe ka filimu were bë yen, o togo «Faantan ni mone» o ye UEMOA ka ladiyalifen kerénkerennen soro.

Tuma bëe, Mali sinimabòlaw bë an kunnawolo Wagadugu nenajeba in kene kan. Soleyimani Sise, Seki Umaru Sisoko, Balamusa Keyita (Ala ka hine a la) faso Ginba ani dowerew, olu bë jate Mali sekasidondow ye sinimako la Farafinna kono.

Mahamadu Konta

## Farafinfurakeliklaw ka tōnsigi

Farafinna farafinfurakelilaw, ka bō Burukina, Togo, Benen, Nizeri ani Mali la, olu mogō 170 ye dōgokun kelen ke njogonye la Bamako yan. A daminenā Taratadon Marisikalo tile 11. Njogonye in kun tun ye ka fanga kura don farafinfura la.

Kabini bi te, an ka jamanaw kono, o y'a soro dōgotoroko ma na folo, furakeliklaw tūn b'an fe yan, u tun be bana suguya bēe furake fu : Donsow, somaw, maakorōw, mori. Dōgotoroya nanen, farafinfura kera bolokofefen ye mogō kalannenw bolo. Nka bi, an ka jamanaw kono, mogō min b'i yere furake ni farafinfuraw ye, o ka ca ka teme tubabufura tabagaw kan, bawo tubabufura songo ka ca, a soro man di, wa bana dōw be yen, a te se ka olu furake. Nin bēe de y'a to, ni

farafinna farafinfurakeliklaw jera ka tōn sigi. U ye tōn sigi, walasa maalankolon minnu b'u yere ke fendōnnaw ye, olu ni fendōnnna lakikaw ka dōn ka bō njogon na, bawo olu de bē farafinfurakelilaw tōgg tōgg. Mankankolon minnu bē ci arajow la don o don, furakō la, ka soro kiss te jaba la, a fōra o ka dabifa.

Farafinfurakeliklaw ka njogonye in tun be kumasenku filā kan :

- Farafinfura joyoro sida kéléli la.
- Farafinfurakeliklaw joyoro farafinna ka kelenya sinsinni na.

Furabōlaw benna a kan, farafinfura ka dilan ka ne, a ka se ka hadamaden bēe mago ne. O hukumu kono, kenyako sabatili tōnba dijé kono OMS, ani siniyaw, olu ni Farafinna farafinfurakelilaw

bena u bolodi njogon ma, ka farafinfura sankorota k'a yiriwa. Bi-bi in na, Farafinfura ni tubabufura be njogon dafa, fura bēe fura. Mali kono yan, goferenaman ye farafinfura izini dō jo Darisalamu, o bē baara la a be san 20 bō, nka a dōnnen te kosebe. «Nko» tondenw, bana suguya bēe lajelen fura be olu fana bolo. Lafiayabugu, dōgotorō sumaworō, jama girinnen be o fana kan kosebe, a ka baara numan koson.

Mali Farafinfurakeliklaw ka tōn nemogoba ye Mohamedi Fali ye, a Sekeretéri Zenerali ye Tumani Jakite ye, olu bēe dōnkotigw. An ka foli be Manden furabōlaw ye, Belédugu, Jitumu, Segu, Kita Kenedugu Buguni, kōronfela ani jamana furabōla njana bēe. A' ni ko.

Mahamadu Konta

## Kalankene n° naaninan : Nunnafoliko

Halibi geleya dōnin be nunnafoliko la bamanankan sēbenni na. Dajé kelen be sēben cogo fila la mogow fe : Dōw b'a nunnafō, dōw t'a nunnafō. O ye fēn ye min man kan. Bēe ka kan ka dajew sēben sēbencogo kelen de la. An b'a dōn o keli te bi ye. Nka n be min nini bamanankan sēbenbagaw fe, o ye bēe k'i jija walasa masalabolo kelen walima gafe kelen kono, dajé kelen sēbencogo ka ke kelen ye.

A be hakilijigin ni lafaamuyali dōnin ke, walasa ka sigasiga bō mogow la dajé dōw sēbencogo la.

1) Bamanankan sēbenni daminenā bi te. Sigasiga kana ke mogō la tugun nin dajé ninnu nunnafoli la sēbenni na.

Yelen - Ce yelenna jiri la - jiri

layelenbaga

dilan - Moto dilanna ka ne - moto dilanbaga

2) Wale caman be yen, dōw b'u nunnafō sēbenni na. Nka n'i ye o walew waleya waati temen na, i b'a faamuya k'u man kan ka nunnafō Misali :

Tunu - muru tununa

Kumu - mōni kumana

funu - sen fununa

dēmē - lujuratōw dēmena

suma - ji wulilen sumana

3) Nin sēbencogo fila ninnu mēenna senna : suma ni suman.

1 Cikela be foro suman. Foro sumanna cikela fe

2 Cikela be foro suma. Foro sumana cikela fe.

Sēbencogo fōlō de ye lakika ye; n'o ye suman ye. An k'a bōnna dōw file : sumannen - sumanbali-sumanta-sumanto.

Ni wale in te nunnafō a kōro ye kōro min dira a ma dakun 2nan na (ji sumana)

4) Dajenunnafo kelen be i n'a fō sangawuli suguya do bamanankan fōbagaw fe, kērenkerennenya la nunnafoli damatemnen be an ka faaba kono, n'o ye Bamako ye; o dun bamanankan fōbaga be nini ka caya ni jamana bēe lajelen ta ye.

Jininikelaw ka kan k'u janto o yōrō.

Min bēe be fō, o bēe te lakika ye.

Mankutulan dōw be yen, olu man

kan ka nunnafō sēbenni na. O

mankutulanw ye : dōgo, teli, gēlē.

(ka) dōgo : se ka dōgo ->

bōnnaw : dōgoman, dōgoya

(ka) teli : moto ka teli -> bōnnaw :

teliman, teliya

(ka) gēlē : kalan ka gēlē ->

bōnnaw : gēleman, gēleya

**Sēbenbaga :**

Fajala Kamisoko  
Duguyiriwa kalanso Bolofara  
Kalan kun fōlō nemogcsoba  
BP. 62 - T. : 222.41.62 Bamako

## Zenerali Faransuwa Bozize ye fanga ta Santarafiriki

Santarafiriki sōrōdasi jekulu nēmōgo kōrō Zeneral Faransuwa Bozozé min tun murutili la san 2001 nowanburukalo la; a sera ka fanga ta ka Anzi Patasé ka fanga bīn sibidon san 2003 maristikalo tile 15. Nin fangabin in tun mēedna senna, kabini san 1996, sōrōdasi tun bē te ka murut. Kosa in na Anzi Patasé ni Bozize ka mōgōw tun bē nōgōn na. Bozize basigilēn tun bē jamana fan dō fē; a tun y'a jira ko okutoburukalo tile 25 binnkanni min kera Bangi kōnō k'o tun y'ale ka mōgōw nō ye.

Zenerali Faransuwa Bozize tun taara i dogo Cadi. A taara Faransi sigikafō caman kelen kofé. Tuma bēe a ka mōgōw tun b'u to Cadi dance la ka Santarafiriki sōrōdasi kēlē. Nka Anzi Patase ka gofērenaman tun kōlōsilen don Libi sōrōdasiw fē ani kōngōka Zan Piyeri Bēnda ka sōrōdasiw fē. Santarafirikikaw balala ka Bozize ka mōgōw ka mugukanw mēn ka jamana fan bēe lamini. Tuma min na Anzi Patase ka awiyōn y'a laben jiginni kama; a botōla. saharajamanaw ka sōrōjekulu nōgōnye la Nizéri, mugu cira a ka awiyōn na; a laban y'a kōsegin ka taa Yawunde kameruni jamana na, an'a muso ani mōgō minnu tun taara a nōfē Name. O kelen, bin kera gofērenaman mōgōw ani dunanw ka duw kan. Jagokéyōrow, minisiriso dōw cira.

A kelen ka fāngā ta o dūguje. Zenerali Bozize ye sariyasunba dulon, ka Santarafiriki bulonba ni gofērenaman ci ani ka furancēlafanga dō sigicogoyaw laben. O kadara kōnō, jamana nēmōgo kura ye wele bila ka taa politikitōn w ni jekulutōw ma. A y'a jira fana ko wotew bēna laben ni basigi sabatira jamana kōnō.

Zenerzli Faransuwa Bozize ye baara dōw boloda bōlē i n'a fo sōrōdasi kulu labenni, forobaba raw Kurakurayali wañtōw sānati ana sida kelen. A y'a jira ko Santarafiriki kaw yēc de bē se k'u ka gētēya turak. Gētēya minnu tun kera sabati ye Patasé le sigikafō kē san 2002. Hali kōrelyen jekulu «santegli» tun ye sigikafō do boloda Santarafirikikaw ni nōgōn ce ORONE.

Moriba Kulubali  
Badama Dukure

### Dijē Ntolacila denmisēnw ka nōgōnkunbēnba «Kupudimōndi Zinōri» bōra a ma.

Ntolatanba in tun ka kan ka daminē Maristikalo tile 25 ka na a kuncé Awirilikalo tile 16, Emira Arabu jamana kan. nka a tēna bō bilen, k'a sabu ke Iraki kelen ye. FIFA, n'o ye dijē ntolatanko nēnabō tonba ye, o y'a jira ko a jōrelēn don ni ntolatannaw, kunnafoni jinaw ni jama lakananiko ye. Ntolatanba in tun bēna ke yōrō min na, o kelen bē sisan i n'a fo mugubon. Lamerikēn ni Angilēn w ka Sorodasi 250.000 dagalen bē yen, u labennenba ka kēlēwuli sadamu Huseni na. Nin y'a siñē fōlō ye, nin nōgōn ka kē, ka kupudimōndi kēlē dabila kē kōson.

Mali Zinōriw tun labennen don ntolatanba in kama. U tun ka kan ka taa laben tō sabati Faransi; o bōra a ma. Ntolatanba in bēna ke waati min na, a ni yōrō min na, da ma se o ma fōlō. Yali yōrō kōrō in de bēna sugandi lafiya nanen kō? O fana ma fo.

Mahamadu Kōnta

## Berezili : Ka denyērenin luwe kē ka sarakadeli kē.

Ka denyērenin luwe gerebuw ma Iriyo siabadaw la, o bē wari min ladon, kalolabaara t'o ladon.

Warimin bē sōrōbētila den somogow ni gerebuw ni nōgōn ce. Sōrō bē taa kalosara fitinin nōgōn 4 na. Iriyodenmisēnw ka kūriso sariyatigela y'a jira k'u bē na denw luwebagaw kēlēbawo - nangilisariya sariyasan 427nan b'a kōn. A nangili b'a tā kalo kelen na ka se kalo saba ma.

Bala kera ce do la, san 31, den b'a bolo. A y'a jira k'a ye den in luwe sabu a ka fisa ni sonnali ye.

Den ba, san 16, o y'a jira, k'ale bē maloya ka saraka deli; k'a b'a den luwe mōgōw ma. A y'a jira fana ko warisōrōlī nōgōya la, o kera sababuye ale ka garijēge sōrō.

Badama Dukure

## Senegali diinēnēmōgō dōye mōbili san miliyari kelen ni kō

Senegali diinēnēmōgō dō Senjī Mansuru Si ye dijē Limuzini filan san, da segin bē min na, n'a nōgōn tē farafinna kōn; i n'a fo Sénegalikaw ka Kunnafoni sēben «Limatēn» y'a jira cogo min na.

A filan bē Amerikenjamana na. A suguya fila de bē dijē kōn; i n'a fo kunnafoni sēben y'a fo cogo min na. A nē fōlō la mōbili ja bē yen, à janya ye metērē 12 ye. Kunnafoni dila min ye nin, kuma fo o ko k'ale yērē nē y'a ye; k'a b'a den dō ka so garazi kōn.

Nindakabana mōbili in sanna sefawari miliyari kelen ani miliyōn 250; i n'a fo diinēnēmōgō y'a fo kunnafoni dila in ye cogo min na. An bē don min na i ko bi diinēnēmōgō ye tijaniya nēmōgōba ye Senegali. Tijaniya ye silāmēdiinē lakodōnnenba ye Senegali kōn.

Badama Dunkure

# Ameriki ni Iraki ka kels



Sadamu Isayini

Ameriki ni Iraki ka kels daminena san 2003 marisikalo tile 20.

Ameriki ye kels 255.000 bila ka taa Golifu n'a lamini na, minnu demennen don awiyan 700 fe, ani elikopiteriw ani Sariw.

Sorodasi 235.000 be Golifu fan na; 20.000 be Erropu fan na, minnu labennen don ka Iraki kels. Angileteri ye ce 45.000 bo; duguma sorodasi 26.000 b'olu la ani sanfekelkela 4000, ka fara Sari 120 kan minnu b'u deme. Angelew ka kels minnu be Golifu fan na olu ye bato 17 ye ani awiyontalan kelen. Min ye

sanfekelkela  
ye, Angelew ye  
awiyan 100 bila  
ka taa.

Amerikenw ka  
sorodasi  
149.000 be  
Koweti minnu ye  
dugumakelkela  
n  
kogojikelkela  
ye. Olu be Iraki  
ni Koweti dance  
la. Sariw ni  
«elikopiteriw b'u  
b o l o .

Amerikenw ni

angelew be k'u wasadon Koweti  
sanfekeloyero fila la : Alijaberi ni  
Alisalemu.

Ce 10.000 be Sawudiya minnu fanba  
ye sanfekelaw ye; kels awiyan  
b'u bolo, ani awiyan «aradariw» ani  
demebagaw. Nk'o na ta be  
sawudiyakaw y'a jira k'u sen te Iraki  
kels la; k'u ka kels cew te don Iraki

ko  
Amerikenw ka kels 313  
b'u ka sorodasi dagaoyela, n'o be  
Katari u ka sorodasi 5000 be  
Bahrenni.

Min ye Iraki ye, o ka kels cew ye  
400.000 ye. Kels cew kulu  
kerenkerenhenwe mogo 100.000 ye,  
Sariw be se 2.200 ma; kels tow  
ye 2400 ye; awiyan be se 300 ma,  
nka shari ninnu be dafalente. Tile 43  
kels la, min kera san 1991,  
zanwiyekalo ni fewuruyekalo la o  
Golufukel ye Iraki maramafencaman  
tine ani ka dadigi a ka sorodasi la.  
Amerikenw ko, ko jamana 45 be k'u  
dem.

Jamana 30 ko k'u ni be kels la. To tan  
ni togow be na don n'a waati  
sera, in'a fo kolini Poweli y'a jira cogo  
min na.

Demew suguyaw ka ca; k'a ta cew  
boli la, ka taa a bila jamana sanfela  
labilali la, amerikenw ka awiyan ani  
minenw ni bolifenw ni wariç dili.

Badama Dukure

## TULON

Nin desen fila dilanbagaya y'a dab'a kama ka fili 10 k'u la. A y'olu nini



defecogo. 9) Misi ne. 10) Duljik numanfeboldo.


1) Fugula lahalaya. 2) Juru min kelen don ka jiriv siri nsgon na. 3) Misi ne. 4) Butelli datulgulan. 5) Duljik kan. 6) Fil 13 min qillionnen don. 7) Misi ne. 8) Datulgulan

jaaabi

## Peresidan Amadu Tumani Ture ka taama Moti ani Segu mara la

«Degali Jali» kera nena jebba ye Jalube, marisikalo tile 22 san 2003. Peresidan Amadu Tumani Ture n'a furumuso Lôbo Tarawele tun be kene kan, minisiri dôw, Ameriki ni Peyiba lasigidenw ani Nizeri ni Burukina Faso ka cidenw. Maanabolaw ka fo la, «Degali» daminen Urojalube sigwaati la; tuma min na Seku Amadu ko fulaw ma u ka yaala dabila k'u basigi; yorokelen, san 1821. «Degali» koro ye ko «Jaliw» ka jiginni (Jalubew ka bagankuluw). Jiginni in be ke nena jebba ye fulaw fe. A be ke baganw natola ka bo dumuniyoro la fonene fe Kotiya tilemakayoro la «Laki Debo» kono. U be teme Urojalube fe.

Nena jebba ninnu be ke sababu ye, bagangenna denmisewka nogen don. U be ke sababu ye fana, bagantigiw k'u ka baganw ye, bagangennaw k'u ka baganw falenba jira mogow la. Bagangenna dôw be ladiya. Laada la fana, yaafa be deli nogen fe, ka kew ban mogow ni nogen ce, ka ben sabati. Bi, ja be senna, sanji te laboli ke; dumuniyoro dogoyara, geleya donna



mogow ni nogen ce. Bagansariyako lagosira. Ninan, jorow ka ciden ye lajini dôw ke minnu be tali ke baganw ka furafeereyoro, bagansuguw, bagandumuniko ani musow ka yiriwali baaradaw kan. A ko kongo fana be komini dugu 18 kono. Komini dugu beelajelen ye dugu 22 ye. Lajni dôw jaabira ka ban, sabu, Lôbo Tarawele ye musow deme. Peresidan fana ye bagansugu do birigi folo da min musakawbora Ameriki demelton «US. AID» fe : sefawari miliyon 15 ni ko. Jamanakuntiye sôgoliji «dozi» 40.000 di walasa fulaw k'ujanto misiw sôgoli la. O be ke sababu ye ka baganw ni hadamadenw ka kene ya sabati.

### Marisikalo tile 26, kele bindon

Demokarasi donna Mali kono, a san 12 ye ninan ye. Be, hakili b'a la, kera cogoya min na.

Demokarasi soro la jahadi kono. Joli bonna, hadamadenw nikene karabara, mogow ka nafolow tijena, a kasara bonyara fo k'a damatem. Bi, joli min tun be mogow dusukunna, okeneyara nka jolifon ma fin folo. Ninan mogo minnu tora jahadiba in na, jamanakunti taara taasibila ke ka nesin olu ma, Bamako balili folo donda la (n'a be fo a ma pondemaritiri). A y'a nini Maliden fe, an ka yaafa nogen ma, nka o koro te k'an be nin. Mogow hakili ka kan ka to Marisikalo tile 26 la, ka da kan, dôw de y'u ni fili ni bi sera. An te se ka nin, bawo Maliden tun hakili be yelema minnu na; «an te korelen fe fo kura» ani «kokaje», dunkafa sabatili, tononi dabilali,

segenguju kelleli, o be ma sira soro folo. Sonsoron wulila, sonsoron nana, ante son o ma bilen. Nin be de kama, ante se ka nin Marisikalo tile 26 ko. ADEMA ye san tan ke fanga la, baara caman kera, mogow be se ka minnu lakali, nka fologonko minnu kera Politikiton ni nogen ce, o fana juguyara. Ton be cira, dôw te se ka wuli bilen fo ka dije wuli, dôw bolofara cayara, olu te se ka fara nogen kan tuguni. Politikikele ye fiye don demokarasia. Ni Amadu Tumani Ture tun ma na fanga la, ka mogow fara nogen kan, ka ben sabati, Mali yoro tun man jan balawu la. Halibi sa, mogo o mogob Mali fe, o ka kan ka ATT deme sani politikiton ka ben ko la. Kele ye dije korelen ye, nka yerekeli, Ala k'an kisi o ma.

Mahamadu Konta

Min ye komini ka kongoko ye, ATT ya jira ko feere be siri walasa ka balo lase mogow ma.

Amadu Tumani Ture ye jamana nemogo filanan ye, min taara nena jebba in na Peresidan Modibo Keyita bolen ko ye san 1963. ATT taali diyara Pondori ani Jalube fulaw ye kosebe.

Marisikalo tile 23, san 2003 in na, jamanakunti Amadu Tumani Ture ye Jene, Muña, Sayi, Siraba dilanni dabañefolo ke. Siraba in janya ye kilometere 60 ye. A musakaw be ben sefawari miliyari 4,3 ma. Baara in be Mali kenyereye cakeda naani bolo. Jamanakunti bolen Mooti mara kono, a y'i kunda Ofisidinizeri kan, ka taa Sokolo maloforo koro labennibaaraw dabane folo ke. Nafolo min bena don o baaraw dafé, o be ben miliyari 12 ma sefawari la. A be bo dije waribonba fe. Sokolo maloforo ninnu be ben taari 5,850 ma. A siye folo bena ke nin ye, nin nogen baaraba ka ke siye kelen, Ofisi kono. O taama kelen in senfe, jamanakunti ye Nono ni Nara ce siraba labenni dabane folo fana ke. O siraba in janya ye kilometere 242 ye. A musaka be ben sefawari miliyari 5,59 ma. O fana dibaga ye dije waribonba ye (Banki monjali).

Moriba Kulubali  
Badama Dukure  
Mahamadu Konta

<b>"AMAP" kuntigi</b> <b>Solomani DARABO</b> <b>Mali kanw kunnafonisebenw</b> <b>baarada kuntigi</b> <b>Nenze Samake</b> <b>Kibaru</b> <b>BP: 24 Telefon: 221-21-04</b> <b>Kibaru Bugufiye Bozola</b> <b>Bamako - Mali</b> <b>Sebenbagaw kuntigi</b> <b>Badama Dukure</b> <b>Sebennejekulu</b> <b>Mahamadu KONTA Badama Dukure</b> <b>Labugunyoro: Kibaru, gafedilan baarada</b> <b>Bolen Hake 16 000</b>
---